

愚

齋

存

稟

愚齋存稿卷第九十四

電報補遺目錄

寄北京許大臣景澄

直督裕制台祿來電

鄂督署來電

寄江甯剛中堂毅

京局馮志先來電

又

京柏斌來電

京總署來電

寄京總署

又

寄廣州鹿中丞傳霖

寄川督奎制台俊

寄鄂督張香帥

寄鄂督張香帥

鄂督張香帥來電

蘇撫鹿中丞傳霖來電

寄鄂督張香帥

寄杭州惲松雲方伯祖翼

江督劉峴帥來電

寄江督劉峴帥

代聶藩台致蘇州朱臬台

寄庫倫豐大臣紳泰

吳淞李中堂來電

寄濟南袁中丞世凱

寄杭州惲方伯祖翼

濟南袁慰帥來電

長沙俞巽軒中丞廉三來電

寄長沙俞巽帥

寄鄂督張香帥

寄粵督李中堂

粵督李傅相來電

寄江甯劉峴帥

江甯劉峴帥來電

寄濟南袁慰帥

粵督李傅相來電

寄粵督李中堂

粵督李中堂來電

寄粵督李中堂

寄滬道余晉珊觀察

寄粵督李中堂

又

寄鄂督張香帥

寄北京總署榮中堂天津裕壽帥

寄津裕督帥

寄天津豐台聶軍門士成

甯督劉峴帥來電

粵督李中堂來電

寄鄂督張香帥

愚齋存彙

卷九十四目錄

三

思補樓藏版

粵督李中堂來電

寄鄂督張香帥

粵督李中堂來電

江督劉峴帥來電

寄鄂督張香帥

濟南袁撫台世凱來電

寄鄂督李中堂甯劉宮保鄂張制台皖王中丞

寄甯督劉峴帥

寄鄂督皖撫帥

東撫袁慰帥來電

東京李木齋欽差盛鐸來電

寄粵李中堂

濟南袁慰帥來電

寄保定方伯專送剛中堂

寄任筱沅河帥道鎔

開封任河帥道鎔來電

寄太原李方伯有綦馮廉訪鍾岱

華盛頓伍欽使廷芳來電

山東袁慰帥來電

寄杭州惲方伯祖翼



鄂督張香帥來電

江甯劉峴帥來電

西安端午橋護院方來電

安慶王灼棠中丞之春來電

江甯劉峴帥來電

寄柏林呂大臣海寰

倫敦羅大臣來電

華盛頓伍大臣廷芳來電

山東袁慰帥來電

南洋大臣劉峴帥致德京呂使海寰電

江督劉峴帥來電

杭州惲方伯祖翼來電

鄂督張香帥來電

寄北京各國欽使

俄京楊大臣儒來電

濟南袁撫帥來電

又

寄華盛頓伍大臣廷芳

寄蘇甯皖鄂川浙粵陝督撫將軍

寄杭州撫院藩台

美京來電

寄劉峴帥

寄袁慰帥

濟南袁慰帥來電

又

華盛頓伍欽使來電

濟南袁慰帥來電

浙撫劉樹堂中丞來電

柏林呂星使海寰致南洋大臣劉峴帥電

寄杭州惲菘耘方伯

又

杭州惲方伯祖翼來電

寄皖撫王芍帥

陝撫端午帥來電

山東袁慰帥來電

杭州惲方伯祖翼來電

寄浙藩惲方伯

寄甯督劉峴帥

寄武昌張制台濟南袁撫台

寄袁慰帥

濟南袁慰帥來電

又

寄保定廷護院

保定廷護院雍寄李中堂電

雲南李方伯經義寄李中堂電

山東袁慰帥來電

寄甯鄂督帥濟南撫帥

東撫袁慰帥來電

李傅相張香帥劉峴帥許筠帥善星帥合電東京駐使

來電

福州善將軍聯來電

山東袁慰帥來電

寄劉峴帥張香帥

陝撫端午橋中丞來電

愚齋存稿卷第九十四

電報補遺七十一

寄北京許大臣景澄

五月十一日

美人爭權造路竟不願過問管理處止管行車事宜堅  
持造路行車均須歸管理處美仍未允全賴津鎮約到  
持以辨論美使曾向鈞署催過務求鼎言折之滬約俟  
粵定似可轉圜英美皆通氣

直督裕制台祿來電

五月十二日

鄭清濂熟諳船政製造兼通法文北洋新購各船  
尚須修整工程緊要辦理洋務繙譯乏人相需甚

殷望仍飭該員趕將經手事件清理迅速來津是  
爲盼切

鄂督署來電 五月十六日

本日致總署電云十三日駐漢比國總領事來見  
援同治四年中比條約第十二款請在漢口日本  
界下給比國租界百丈告以各國專界皆須有專  
約同治四年之約祇言比人在通商各口宜居住  
宜建造之處可聽其租地建造並無圈劃租界歸  
比國管轄字樣若有約各國皆要專界則盡漢口  
之地亦不敷分給況美粵意日諸大國在漢口俱



無租界並非獨薄待比人現與約明三條比人在漢口如欲租地居住則上有英俄法德日本各界下有自日本界至鐵路中國之地均爲宜居住之處可聽各與業主議租在他國租界則遵守各界巡捐納捐各章程在租界外中國之地則遵守中國巡捕納捐各章程不准自修鐵路自設巡捕自收捐款亦不准抗違拏犯一也比商欲買何處可向業主商議彼此情願公平議價照條約不得強壓迫取租值二也有比商一家卽議地一段不能預囤購地一片歸比國管轄以期暗中作成租界

三也日本界以下至鐵路之地中國宜自修道路  
自設巡捕自收捐款此管轄之權斷斷不再予人  
況德與日本兩國早有照會言明此中地段不得  
與他國爲界將德日兩界與鐵路隔斷條約如此  
事勢如彼只可由比商各自租地斷不能劃一片  
之界等語比領事辨論良久無可如何而去恐其  
嗾比使至鈞署曉瀆謹以奉聞務祈內外堅持勿  
任比人得成片專界旣免自失利權且免德日又  
生枝節至禱等語特達

寄江甯剛中堂毅

六月初九日

昨奉 明詔並接大咨時局艱難自應勸諭眾商竭力  
報効現已轉行兩局員董集議一俟稟復到日卽行呈  
請酌定併將歷年帳冊送請查核宣本擬來甯適值美  
國派律師在滬議訂粵漢詳細路約總署電美使催辦  
甚急畫押後卽當到甯面陳一切聞節麾將赴蘇約何  
日過滬乞鈞示

京局馮志先來電

二月二十六日

馮電所商四字不特非私電所能率復卽公電亦  
不敢輕復雲楣成案辦法頗妥酌之數高代達

又

三月初四日

鄭可調准否不可知江南廣東股票銀冬月十三  
接電十四卽電催此夔老屬轉達也

京柏斌來電 四月初一日

頃聞總署人云許張督辦津鎮鐵路已定議津至  
東華自辦東至鎮英德合辦云

京總署來電 七月初二日

龍州鐵路價值迄未商定現盧保路已成所有造  
路連一切工費統扯每里約價若干銀兩希電知  
以憑比較

寄京總署 七月初三日

盧保幹路二百四十一里半又周口店石鑛枝路三十里截至本年六月底止共用過料價工費各款五百三十萬餘兩路工已竣橋工未完尚有續支未能截數約計橋樑車站道房車輛電線地價各項當比造路工費爲多

又七月初四日

江電已將盧保支款實數呈報惟此路橋工最鉅鐵路若無橋樑山洞平地鋪軌所費無多盧保用款尙未分清大約以尋常地價土工鋼軌木枕計算每里不過一萬兩左右而地有貴賤土有高低軌有輕重木有堅窳

工有遲速洋工師估價亦無一定把握也

寄廣州鹿中丞傳霖

七月二十五日

剛相奉電 旨赴粵會同督撫籌餉三十乘法公司船  
行注重杜中飽公是否候靜帥再交卸來吳宣卽擬北  
上乞鈞示

寄川督奎制台俊

七月二十九日

箇電當飭局董會議敘府係在商綫之中應歸商局接  
展承允撥官料並籌墊購桿分運工程經費請卽派徐  
令熿前往勘路一面派員購辦電桿所有官局物料能  
撥若干乞電示以便核計不敷之料由滬趕運商董擬

議官局撥料及桿價若干作爲川中借款歸報費扣除  
餘由商認惟上次修復桿料短瘦不堪難以持久此次  
購木委員求嚴加挑選

寄鄂督張香帥 八月初五日

初議路線距堡稍遠係爲拓地與市起見現被洋商捷  
足擬專圖路線應用之地法商尙復居奇鈞意卽以堡  
垣作路基藉免洋人圖佔且可酌量收回款項誠屬兩  
益惟通濟門外仍須添購洋人已佔之地恐愈近愈難  
宣卽日赴保定俟與沙多面商再詳復去冬面商堡外  
好地多爲人奪須將堡內隙地速爲購買藉備車路縱

橫布置以及官用前已咨呈委派宗令辦理而印委延宕恐風聲一播洋人又圖進佔除電催宗令限兩月辦完外乞面諭漢陽縣會同速辦爲感

寄鄂督張香帥

九月初四日

初二跪安奏對六刻幸尙稱 旨 慈聖銳意自強奉 諭詳細具奏練兵籌餉商務各事宜並面詢製造槍礮以分設不如就鄂推廣爲對現有機器充量每年能成槍若干礮若干假如預備二十萬人用須添添經費若干須分幾年造成乞速詳示

鄂督張香帥來電

九月初五日



前承示如有要語允爲代達感甚晤夔帥務懇將  
鄂省艱窘實情轉達宜昌鹽釐撥還洋債戶部撥  
補之款有七十餘萬無著各省先後均經覆到現  
擬奏請改撥宜昌每年止能收約七十萬卽只請  
部撥補七十萬部文堅云各省皆係有著之款擬  
請戶部將鄂款內剔出三十萬經飭派撥之省勿  
庸解鄂徑解甘餉較之各省補還鄂省不至推諉  
亦省周折如此則於部無累於甘餉有著並不致  
戶部爲難此策是否可行望切商速示數年來戶  
部於各省均加體諒而於鄂省獨苛求爲難不遺

餘力明係張蔭桓所爲若於鄂省有積怨深怒者  
人人共知衆論皆同不知何苦如此今幸夔帥主  
持農部尙望爲鄂省留一線生機感且不朽祈婉  
達電復至禱

蘇撫鹿中丞傳霖來電

九月十一日

川捐部照趕急編印寄交上海尊厲尊翁重宴鹿  
鳴呈詳未到已催辦到卽速奏再奉聞

寄鄂督張香帥

九月十五日

歌二電面呈仁和力請照准允將原電攜至戶部與同  
事商酌頃又細訴鄂中窘情仁和意甚關切但云姑且

切實入奏如可爲力之處無不盡力宣懷奉 旨飭議  
練兵籌餉商務各事宜籌餉如有妥妙之策乞電示

寄杭州惲松雲方伯祖翼 十月十四日

甯波家叔來電奉李臬台鍾道台飭造温州電線弟已  
派員勘路惟電局報銷鉅款又捐造恰克圖線筋疲力  
盡如必欲辦須請借款海門爲温州所必經亦須俟勘  
路後方可開造聞鍾道台要先辦此事何不由尊處徑  
電弟處免多隔膜乞回明中丞示復意國必無事線雖  
應辦何必過急

江督劉峴帥來電 十月十四日

意事未了各處要電煩多聞甯鎮津京滬外各局  
停機太早恐有貽誤請飭一律留機守夜並往來  
官報隨到隨送勿延爲荷

寄江督劉峴帥

十月十五日

現已通飭各局守夜班官局亦請飭遵路透密電意議  
院不願啟衅况英方有事諒無變端惟廣州灣殺斃法  
兵二人恐啟要挾

代聶藩台致蘇州朱臬台

十一月十四日

現奉 旨擬洋貨稅釐併徵惟須查明洋貨賣入  
華商之手落地釐金每年共收若干確數方能定

議各省復電總係籠統開報無憑查核未稔公有  
何善法使之條分縷晰再蘇滬每年收百貨釐若  
干絲捐若干煙酒加捐若干洋貨落地釐捐若干  
洋貨除子口單外沿途釐捐若干均乞詳密電示  
寄庫倫豐大臣紳泰 十一月二十八日

按照中俄所立合同條款恰克圖電報局應在買賣城  
中國地界安設去年暫借俄地與原約有礙現已暫租  
華地卽須另蓋房屋乞速轉飭在買賣城指給官地一  
塊以便飭令電局委員程大業估工建造爲感

吳淞李中堂來電 十二月十一日

頃抵吳淞搭法公司船赴香港駐二日換坐新裕  
大約十七到省十八接篆

寄濟南袁中丞世凱 十二月十三日

據德州電局稟十一夜晚夏津境朱仙屯南北電桿四  
根復被竊鋸查該處三日內連竊電桿七根撐木一根  
現值夏津一帶拳匪滋擾線桿難保不再有毀壞勢有  
防不勝防之慮等語求速飭夏津縣保護並嚴飭懲辦  
緝拿免再阻斷爲禱

寄杭州惲方伯祖翼 十二月十五日

頃電復紹甄鏞係公司商本商辦必須撙節刪除官習

動公款更不比私款開平至今無乾修恐破例也萍鄉自二十六年起准延照料紳士一位歲修千金按季送二百五十兩由總辦送關如書院山長例一年一送庚子年准請陳伯巖吏部並已託惲松翁轉致云特以奉聞江西紳士甚多萍嶺尙無把握必如此方妥

濟南袁慰帥來電

十二月十五日

東省匪案甚屬棘手已焚掠教民三百數十家爲向來所未有近少安靜桿事遵卽嚴飭

長沙俞虞軒中丞廉三來電

十二月二十二日

准奏廣東撥湘德槍二千桿子碼一百萬暨皮袋

等件委員黎昌俊往運頃接電云與粵招商局訂  
過至漢口水脚二千元粵局忽接滬局電不允裝  
子碼湘需軍械甚急乞電滬局轉粵局裝運如礙  
定章乞代設法電示至懇

寄長沙俞虞帥

十二月二十三日

承示運槍事因裝子碼全船不能保險有軍務時裝過  
聲明如失事歸官保險頃已電商滬總局有無別法再  
容電達

寄鄂督張香帥

十二月二十九日

奉碼電當卽飭廠鑛總辦籌議以大治民悍自改駐練



軍後自募護軍數十名尙嫌單薄今蒙體恤飭廠全行  
自募卽在預繳款內扣銀三千兩作餉已屬萬分感激  
但有許多下情擬請緩至來年宣到鄂面商再定一號  
化鐵鑪忽出險須拆造二號歪斜亦須全行拆改停工  
一不了修費二不了要買外洋鋼軌三不了求賜教益  
並叩年禧

寄粵督李中堂 十二月二十日

余壽平奏經元善係電局委員有旨飭拏甚急滬報  
赴港卽求就近派員緝訪如果在港擬由電局出名控  
其侵挪或可拏到

粵督李傅相來電

十二月十一日

聞經元善到港後卽他往密詢鄭陶齋及港局廖  
委員必知其蹤跡康又由新加坡西去矣

寄江甯劉峴帥

光緒二十六年正月二十五日

招商局稟各公司會議初二頭幫船開海晏安平初八  
早開新裕尙未修好等語鈞駕如坐海晏似較兵輪舒  
暢自滬至津兩日夜可到榮相詢駕到天津略爲養息  
數日否乞電示

江甯劉峴帥來電

正月二十七日

囑坐海晏感悉唯初八期迫擬於十五仍坐兵船

到京應否養息屆時再定榮相處祈先道意爲禱

寄濟南袁慰帥

正月二十九日

據濟南電局徐令稟歷城境內又被匪類割去雙線四檔移縣緝捕終屬具文等語省會重地首縣不能保護無怪外州縣竊線盜桿之案迭出矣貴省營務洋務動關緊要務求嚴飭查拏爲禱

粵督李傅相來電

正月二十九日

澳督候憑據始交出經守昨復照會澳督云接尊電據稱經侵挪 國家電局公款甚鉅請澳督交出解粵所有帳目憑據卽飭滬局呈送前來代檢

訊辦等因派劉學詢復往設法商辦俟招商局船解到再聞總布胡同住宅既有成說務勿爲浮言所惑

寄粵督李中堂

二月初一日

據上海總局提調楊廷杲等電稟經元善家屬臘月廿七具稟元善因瘋回籍就醫乃廿九潛搭法公司船赴港逃後查出侵挪電款甚鉅實屬情同誑騙查經元善辦理 國家電報滬局先後數十年向以爲誠實可靠輿論亦復翕然所有各分局歷來彙解公款均屬經元善一人專司出入並無情弊不意託故潛逃昧良若此

殊堪痛恨應請拏辦解粵先乞訊供并求電示情形不勝企禱

粵督李中堂來電 二月初一日

頃劉道由澳門來電云康黨延律師託英官力辯因電報得罪並無欠款澳督電滬領事確查請將昨代擬兩電告盛照電滬局向領事指實確欠公款非經回不知底蘊切勿言明數目云希照辦免生波折

寄粵督李中堂 二月初二日

經係專管滬局出入上海另有總局楊廷杲辦擬冬電

內有各分局彙解公款均屬經元善一人專司出入等語恐上海律師挑剔故只將沁電轉滬

寄滬道余晉珊觀察

二月初十日

傅相虞佳兩電報鑒入初七日已電飭楊守等會稟尊處係照尋常辦案佳電以職官潛逃欠帳未算解粵訊辦最爲了當我公似可持此面與領事討論並請與担文商酌如有使澳督必交解之法卽由尊處逕電傅相弟恐劉道智力尙不足以致之

寄粵督李中堂

二月十三日

奉文電卽轉佈楊廷臬力疾攜件來粵稟商辦理並屬

秘密昨師蒙賞方龍補服漢人所無 聖眷優異社稷  
之福已起緊製備專呈並叩大喜

又 三月初二日

頃竹篔面談經事如人證到澳呈驗帳簿斷難不提欠  
數澳督如不交人恐劉亦受誣不如照原議由余道與  
西洋領事在滬商辨究有一滬道居中可杜言路口實  
等語聞政府言 慈聖並不以經爲意惟言路屢劾經  
係盛私人包庇縱逃故求師派拏以明心跡若照蒸電  
有證卽交固足昭做誠若照虞電本案經無罪未必交  
解亦須得澳督復文以備回奏經係七年分鄭官應稟

師加札駐滬局會辦鄭調粵經卽專辦此事但於宣有干涉蒙師不憚煩瀆並承劉道厚意究應如何辦法尙求指迷

寄鄂督張香帥

三月二十七日

真養電淮酌加數語頗難著筆部文又謂商辦三年未將整興情形如何歸還官本確切稟復豈容任意遷延等語商情更加焦急查三年已墊本二百四十萬愧無成效現聘比人一爲總核算一爲總監工以李維格馮熙光副之想開兩鑪尙須添本百萬或有轉機只得盡情咨復世無真是非如何是好加稅事行各省議覆月



初出京卽赴鄂

寄北京總署榮中堂天津裕壽帥 四月二十九日

二十七抵鄂頃接孫道鍾祥保定電稱據洋人稟報二十九下午琉璃河至涿州一帶鐵路被拳匪拆毀電桿亦被砍斷洋工程司均要停工遠避等語如果屬實北路工程用有數國洋人停工糜費固甚尤恐各國乘機調兵保護可否速調驍軍馳往堵剿並酌派一營專護鐵路以免藉口

寄津裕督帥 四月二十九日

拳匪在近京猖獗如賁成驍軍堵剿可期速結保正鐵

路賠款被毀恐不少乞速派聶軍一營專護鐵路並請  
札委孫道鍾祥兼辦營務處俾與防軍聯絡尤爲公便  
寄天津豐台聶軍門士成 五月初二日

孫道鍾祥稟高牌店迤北橋梁站道車輛焚燒殆盡督  
憲派來聶軍三營拳匪在高牌店拆路燒房尙未勦辦  
匪焰日熾高牌店迤南鐵路並保府料廠岌岌可危等  
語查迤南路廠尙值數百萬請卽飛電責成貴部三營  
竭力保護免再被毀悉賴維持

甯督劉峴帥來電

五月初四日

拳匪煽惑日衆如厝火積薪春間曾面奏利害今

果有此患昨已有旨嚴拏並著派出之統兵大員相機勦辦惟望早日收平大局之幸續有聞仍祈電示

粵督李中堂來電

五月初八日

洋貨併徵項始定議敘奏惟聲明應議四端修約時須費唇舌拳匪拆路百二十餘里修費何出將來各處效尤路恐不保清議不以鐵路爲然正快其意時事尙可問乎似非外臣所能匡救

寄鄂督張香帥

五月十三日

小田切尙欲多求必當堅持勿許商結已電催厥稟一

愚齋存彙

卷九十四

補遺七十一

五

思補樓藏版

到卽呈送盧保中間百十里匪佔不退蹂躪殆盡政府  
置不理宣去亦無法擬令沙多先行憚可無礙已轉告  
極感

粵督李中堂來電

五月十四日

匪不難平但樞廷無欲平意各國調兵將來如何  
結局可危孰甚康梁有八月起事之說豈內應外  
合耶摺已抄咨

寄鄂督張香帥

五月十六日

洋兵進京已二三千人聞俄兵將大至頃傅相電云昨  
接赫德來電若局面無速轉機各國必定併力大局危

亡卽在旦夕迫我以不得不電奏等語傅相督直廿五年深得民心若調回北洋內亂外衅或可漸弭社稷將危公似應直抒忠悃以救萬一京津線已斷電奏尙可由京局轉寄遲則南北線皆斷矣

粵督李中堂來電

五月二十日

京咸電榮夜請見始 回鑾趙回云可解散董堅不任勦聞俟剛回定計漪瀾等並黨拳外釁可憂云國事竟爲若輩把持外臣焦急而已

江督劉峴帥來電

五月二十四日

傅相月朔啓節似嫌稍遲做處昨又電請早行執

事宜速派船並專電促之

寄鄂督張香帥

五月二十四日

聞英提督距京數十里被匪困俄日添大隊愈拒愈狠  
傅相約十日到滬養電當呈閱但恐無法化重爲輕

濟南袁撫台世凱來電

五月二十七日

董革剛撤尙無確聞近因京城大亂探員均逃前  
派營弁往計日內可到津兩路探撥均被拳匪梗  
阻竟至擄去撥卒殊可恨各船在煙適足資敵不  
如回與南洋水師合尙可一戰

寄粵督李中堂甯劉宮保鄂張制台皖王中丞

五月二十七日

據保定宥電紫竹林破彼言槍礮無用全是妄談由京  
逃保言二十匪至院索軍械充付給是日馬家口開仗  
互有死傷匪死更多二十一用大礮轟紫洋人出接仗  
院上只制台及幕友數人戈什數十人天津縣不知去  
向包封五日不到海口已開仗洋人照會中國信用亂  
民地丁兵權歸洋人主政 兩宮不允決計開仗大  
沽兵艦日多一日大局不可問云此信請勿傳播免滋  
謠惑

寄甯督劉峴帥 五月二十七日

壽庭軍門到甯應請密授機宜免蹈覆轍藹滄今晚赴

甯請速定東南大計

寄鄂督帥皖撫帥 五月二十七日

聞英領事擬一口派一船目前當無大隊所密陳請派  
漚道與各領事速訂保護中外人民產業之舉現彼水  
陸未集似易就範稍遲彼兵力足恐其喧賓奪主事機  
間不容髮矣

東撫袁慰帥來電

五月二十八日

時局變幻愈出愈奇疆臣之義惟有備戰青州爲  
東路屯兵要衝請飭濟局添枝局計不過十數里

耳



東京李木齋欽差盛鐸來電

五月二十八日

北事危急消息不通李劉張三帥屢有電商之件  
頗難籌復乞尊處有關軍事要聞隨時電示一二  
爲叩

寄粵李中堂

五月二十九日

香帥電稱時事奇變做處惟有謹遵保守疆土聯絡一  
氣之旨長江一帶止有會匪並無可恃義民惟有遵  
照歷年奏定章程嚴拏重辦袁帥不聲張極是峴帥電  
願保東南疆土留爲大局轉機必當如尊處沁電辦法  
各等語謹奉聞

濟南袁慰帥來電

六月初三日

沁電甚佩立時遞去計早到因近日函電蝟集精神疲憊忘復甚歉奏內有董宋聶語凱同軍未便  
附名乞諒

寄保定方伯專送剛中堂

六月初五日

請飭各團會保護各路電線以通各省入衛軍報赫德  
請保護以免各省海關滋事

委任筱沅河帥道鎔

六月初七日

慰帥電初一出京人逃兵匪十數萬圍攻使館仍未克  
內廷左右皆拳匪王公貝勒皆設壇內城緊閉每日

只半日啟一門云謹奉聞

開封任河帥道鎔來電

六月初十日

示稿老謀深識此爲當務之急丁令不在省丁報  
未能轉此間以越疆不欲與聞

寄太原李方伯有蔡馮瑋許鍾岱

六月初十日

京城甚危 詔旨奏報全仗西線通至保定近日太原  
之北線斷多日各省督撫無電可通馬遞恐誤軍務乞  
速回明中丞多派勇隊防護俾局員迅速修好以赴事  
機

華盛頓伍欽使廷芳來電

六月十三日

如救出美使及各員美人允給重賞乞公設法

山東袁慰帥來電

六月十三日

德至正經直境五六百里沿途皆匪兵少無濟多  
必交戰越境傷義民必遭指責且近日東境四處  
蠢動正在分兵辦理左右支吾幾不能支誤國病  
民如此其烈痛甚姑屬少襄設法施救

寄杭州惲方伯祖翼

六月十四日

新甯面商保東南挽全局宣日與慰帥通電謠言皆僞  
也

鄂督張香帥來電

六月十四日

鐵廠商結大咨何日發速示此咨到後諸事易辦  
無葛藤矣

江甯劉峴帥來電

六月十五日

執事督理電務事關大局似宜由尊處具奏較爲  
親切

西安端午橋護院方來電

六月十六日

從前屢電佐帥求保晉綬卒被伐毀爲之焦灼近  
復函電佐帥請速補修旋奉電復已飭修改或者  
各屬未能實力奉行升廉訪過太原已託其與晉  
中當道面懇妥辦諒能如法昨聞西安將軍云山

西拳民雖有尙不見多電局委員意在鋪張以爲多請款項地步仇殺局匠等情均無其事請嚴飭局員勒限接修做處必向佐帥設法調停使要工不致掣肘也

安慶王灼棠中丞之春來電

六月十六日

翰電五條恰合初三諭意論時勢非此不能解雖外人不免逞憤要挾然及早挽救較愈於城下之盟已電請香帥附名速電矣

江甯劉峴帥來電

六月十六日

咸電所示救便補國書均要策已會粵鄂閩川皖

東陝各督撫將軍公電慶榮王設法轉陳

寄柏林呂大臣海寰

六月十八日

孫徐兩相被劫東城焚殺最甚亂黨騎虎難下

兩

宮與各使俱危

倫敦羅大臣來電

六月十八日

報稱英館被董礮確否祈速電至懇

華盛頓伍大臣廷芳來電

六月十八日

美使及各使安否乞示

山東袁慰帥來電

六月十八日

頃接香帥擬會奏銑電稿想已奉覽如列台銜乞

速電復以便繕報馳遞

南洋大臣劉峴帥致德京呂使海寰電

六月二十一日

慰帥電稱聞各使各眷無損害惟使館圍甚嚴消息隔絕迭派探無十分確耗云昨又會諸帥電京救使

江督劉峴帥來電

六月二十一日

惲道祖祁奉

旨督辦清江轉運局應准用一等

電由該局蓋用關防可否祈電復並請電知清江電局傅相調直督聶軍門陣亡確否祈示

杭州惲方伯祖翼來電

六月二十二日



諸暨事大兵歷之指日可了脅從應散渠魁必誅  
也傅相如何定策北行外間喧傳 乘輿幸晉確  
否聶軍一潰戰事了矣

鄂督張香帥來電 六月二十二日

有人接京城十五日信使館尙好此信甚確但不  
知是幾館或云兩館或云三館各使或係全避居  
一處亦未可知

寄北京各國欽使 六月二十四日

東撫袁慰帥電稱總署遞到康格二十二洋文密電已  
轉滬發各使必尙存卽轉各使等語特奉聞

俄京楊大臣儒來電 六月二十四日

號電譯告外部據稱各使情形不敢深信務望得一確實憑據方可作准至津城係彼此攻毀各國不能力任保全惟傅相調北洋似是好消息等語十四接文電後未奉續示甚盼

濟南袁撫帥來電 六月二十四日

頃有人十七自京來述西什庫及使館仍未破各匪徒現自亂互相鬪殺云

又 六月二十四日

效會奏懇救護各國使臣敬遞摺回奉 硃批另

有旨但未奉寄諭如寄尊處請抄電見示爲

盼

寄華盛頓伍大臣廷芳

六月二十五日

康復電幸到京匪自亂互殺二十二旨各使無恙傅相入內平亂無路可入請轉四使

寄蘇甯皖鄂川浙閩粵陝督撫將軍

六月二十五日

二十一美使寄外部電稱英使署被兵礮彈接連攻打今欲救此屠殺之害急須來兵解圍等語各國來電并不信保護無恙仍催兵北上

寄杭州撫院藩台

六月二十六日

蘭谿急電江山縣失守衢州危急龍游閉城蘭谿戒嚴  
迫請救援云現派何軍前往乞示以備問答此路電線  
請設法保護

美京來電

六月二十七日

寓美華盛頓省西愛的兒地方華民上 總署電  
求上海 盛大臣轉呈中國子民敬叩祝 大

皇帝萬壽中國永享太平蒸蒸日上

寄劉峴帥

六月二十七日

余道請派福開森赴美游說雖未免緩不濟急但所費  
無多似可准行

寄袁慰帥 七月初一日

京友二十二夜函商派孫萬林送使赴津此係緊要關  
鍵勘電交民巷仍在圍中未知送使消息是否雲門來  
信

濟南袁慰帥來電 七月初一日

送使係榮函交民巷附近各處街道均有兵守不  
准閒人出入故曰圍

又 七月初二日

海城北行途令陳軍攻景州朱家河教堂克之殺  
法教士二教民千餘自傷百餘人張軍攻黍風口

教堂未克傷營官一兵弁二百餘拳團感悅

華盛頓伍欽使來電

七月初二日

遵尊電鐵路續約已畫押候 旨批准聞各使已  
護出京確否

濟南袁慰帥來電

七月初一日

兩冬電悉總署電代轉惟若請至一端各語恐生  
流弊且海線實無力能阻擬請刪去小清河至濟  
深淺無定隨雨漲落且節節不同大約三尺小輪  
當可行設有淺阻換民船亦不甚慢德至通中阻  
津敵且多匪徒甚難走

浙撫劉樹堂中丞來電

七月初三日

前派赴衢兵隊頭批已過嚴州餘飛飭速行

柏林呂星使海寰致南洋大臣劉峴帥電

七月初三日

遵六月初三日旨向外部切實聲明據稱使臣遭

害辱國莫甚當力陳中國決無開衅意克使爲亂

黨戕害 朝廷極深惋惜彼謂須確查再商因此

官民憤怒頗欲爲難幸有巡捕保護尙無他變彼

雖云無瓜分意亦不求專利殊未敢信刻派新使

刷次士潭并聞派兵二萬來華深恐憤兵不分玉

石民遭塗炭正擬請 旨爲德使電唁并許辦犯

保館免彼藉口因外部突禁發華碼電遂未卽辦  
幸奉國書及廿一 旨適德王避暑譯交外部轉  
呈彼詰問克使眷屬當許以查明再復有復書月  
行電奏外竊思爲今之計應乘各國兵未集先自  
靖亂免致藉詞要挾或請駐京各使居間排解各  
國易從亦釜底抽薪之法觀此時勢憂憤交深外  
部屢言論情形不應再爲接待雖無逐客之令已  
不以使臣相待臣不敢心存觀望但恐往晤被阻  
不得已派參贊賡音泰代爲傳說以免齟齬謹披  
瀝上陳請代奏



寄杭州惲菘耘方伯

七月初六日

微電已轉峴帥無復請速查明被害洋人幾名係何國  
教士今日已有領事來詢似不如早與說明請景帥電  
南洋及弟與余道極道歉惜承認勦辦昨香帥以衡州  
焚殺意教堂直電駐使先認咎較追詰稍好

又七月初七日

昨電務請中丞照辦否則兵輪必赴甬聞衢州匪是九  
龍山哥老會有槍礮否四營到否頃電筠帥飛飭入衛  
統領順道助勦該軍行抵何處速探示浙紳慮該匪由  
廣泗竄長興等處請預籌

愚齋存彙

卷九十四

補遺七十一

三

思補樓藏版

杭州惲方伯祖翼來電

七月初七日

温州人心大定無須添營刻下衢郡喫緊金嚴亦  
搖動已調四營前往能趕卽解散方好蘭谿搬家  
者多尙無匪蹤餉項蒙交銀行甚感

寄皖撫王芍帥

七月初七日

陽電與陶齋面商余道泰來均不擔當近因鑑帥派陳  
張入衛兵沿途焚殺教士各國多藉口姑請電余道云  
浙衢失三縣與皖連界豫匪亦恐竄皖旣認保護須防  
土匪皖無軍火託某行購若干槍此係舊格只能打土  
匪用敢與領事稅司說明驗放等語此穩策也否則冒

險恐付價而槍不我有

陝撫端午帥來電

七月初七日

讀勅電周詳懇摯易回 天聽香帥宥電原議亦  
如尊指嗣奉峴帥電內廷主戰甚堅咸緩入奏此  
次既經商之張劉二帥如承印可即可約商各省  
督撫聯銜會奏鄙人敬當附驥已將此意逕電慰  
帥矣

山東袁慰帥來電

七月十三日

刻接總署十一日函現奉 旨准令各使與其本  
國往來平安密電希分電各處查照前次發還各

電如各領事尙未代遞仍可轉發云請轉告各領事並酌量迅電出使諸公

杭州惲方伯祖翼來電

七月十四日

杭州英日領事俱懼禍欲行先避至城外租界景帥委員堅留進省并電總領事轉達外部儻挽留不住景帥屢請教作何辦法再聞董軍同拳民又在天津城外大勝係廷方伯電確否許袁因何伏法均盼密示

寄浙藩惲方伯

七月十五日

領事宜挽留若必欲離省可聽之弟當代達總不必告

外部木齋咸電北倉已失何勝之有

寄甯督劉峴帥 七月十八日

華商兩稟領袖不收推工部局余道照會領事亦不理  
已請余道轉詳作爲案據昨工局轉商華董出示安民  
如紀律能嚴或無大礙已成之局蔡道再說亦無濟公  
只切諭孫領事一不可添撥二不可滋事至盡其在我  
者土匪不可蠢動堅持至北方事定便釋干繫

寄武昌張制台濟南袁撫台 七月二十日萬緊 傅相  
會電

效會奏稿李鴻章劉坤一綽哈布善聯奎俊許應騤德  
壽劉樹堂王之春袁世凱端方聶緝槩盛宣懷均列名

請慰帥立刻繕發香帥效電不列名宣又力勸如摺繕成而鄂無復電只可請發聞赴蔡村無日兵已由間道分截君父急難豈忍遲延

寄袁慰帥

七月二十日

甲午香帥奏請 西幸似難強其翻覆各帥均允列名望公速繕發頃美國人自津來目覩楊村初戰華勝嗣隔河快礮傷人眾乃潰退此時 宮庭必驚慌遲恐不及

濟南袁慰帥來電

七月二十日

昨得東信燕謀在津迭通密書榮處俱述西人意

向拳頭迭請西榮刀阻與效電暗合摺已發

又七月二十日

迭電悉遵卽照繕本日酉刻發上月凱曾主西議  
今不便翻覆未附名香帥來電不願列未附餘銜  
照列

寄保定廷護院 七月二十一日

奉諫電護督正可展宏猷甚賀洋兵將至通州如 駕  
不幸保定無事倘西幸乞速示傅相仍擬航海西線全  
壞德至保接線恐匪壞設馬撥通消息極佩已飭各局  
遵照並屬張令妥辦前電請借撥王夔相現銀五千兩

愚齋存彙

卷九十四

補遺七十一

思補樓藏版

如不能求速寄一二千否則將絕糧

保定廷護院雍寄李中堂電

七月二十八日

兩宮已出居庸幸陝扈從爲禮端慶各王懷啟王  
趙各尙書馬董兩軍門護衛中堂電商停戰日來  
當有端緒務請先約保我 宗廟幸甚竊維此次  
之變甚於咸豐庚申庚申之役洋兵入都街市無  
匪禁城無犯此次 宮廷內藏京津庫帑悉被焚  
掠中堂開議似可會論此兩端以抵焚索再約以  
勿肆殺戮蒼生幸甚本司因係暫行護督藩篆未  
經遞署所以切望相節早臨俾得專辦藩務尙尙



須時日擬以現署臬司沈道家本調署然遞遺之  
缺驟難其人應如何委署之處伏候明示前敵馬  
呂兩軍未散餉項如有缺乏當爲設法接濟宋軍  
已退紮保省榮相崇公昨已偕來并聞

雲南李方伯經義寄李中堂電

七月二十九日

宥電當達

二聖蒙塵是否先駐晉後幸陝現

警蹕何處聯兵眾怒難解幸衅由匪起憤洩或可  
轉圜所慮羣歐猜忌內爭將起則以華爲戰地苦  
更不堪矣如和議難成竟至激成瓜分則彼既下  
手必速伯父駐滬無權觀望坐誤恐不爲千秋四

海所諒似宜一面牽延議和一面奏請聯合江粵  
將兵餉權力握固保東南藉財賦爲用并速派部  
曲馳護 行在先振義聲後圖興起如慮左右効  
命無人義在滇有權無位糅雜疲乏恐盡力亦難  
保滇卽予一巡撫亦憂鬱蹂躪而死轉不如隨節  
勤王死於軍旅較爲值得也丁槐雖稍欠堅忍頗  
有將略夙經洋戰義如隨節勤王槐亦願來如能  
挈同奏調文到卽行若須由滇自請義卽發奏滇  
現自守餉絀難撥如有 旨調義并令撥餉則三  
十萬尙可勻湊行止請慈意裁決如和議望成卽

暫作罷論述弟回南否系甚

山東袁慰帥來電

八月初二日

大局日危聞傅相有赴京說確否請迅示

俄京楊子通欽使儒來電

八月初二日

洋兵入都數日無信息京中有何情形濟南尙通電否傅相北上否乞示

寄甯鄂督帥濟南撫帥

七月初二日

木齋東電陸軍報洋兵廿晚入京廿一在東安門戰廿二皇城陷現美軍守大清門日兵守東安西安地安三門禁人出入據赴萬壽山馬隊稱

兩宮廿晚出

城至圍小憩向北行幸似往宣大一帶隨鳳董軍馬隊  
一營車廿輛廿四有官兵及義和團九千至南苑聞廿  
七進攻南城云特奉聞

東撫袁慰帥來電

七月初三日

北方消息隔絕但聞榮崇廿九仍在保布置防守  
究竟慶邸在京否小田或知之請詢示京陷多日  
如再無辦法東南亦難保請就近催商傅相及各  
帥速設法補救聞英俄方構嫌或可稍有牽制

李傅相張督帥劉峴帥許筠帥善星帥合電東京  
駐使來電

八月初四日

閩廈門有日兵登岸未知何故此次各國聯兵入都承日政府先有保護兩宮之言我國臣民實戴日皇厚誼今日兵忽在廈門上岸或因上年立界舊衅欲以兵威壓服土人但界已議定立約自無異說或武將邀功致有此舉惟力保東南和平似未可稍見兵端致啟各國覬覦請切商日政府暫令息兵和平商辦仍希速復

福州善將軍聯來電

八月初四日

東南聯約公所創議閩本安謐日兵駐廈首背約人心大亂保護難任全局皆敗請公速晤駐滬各

領事申明前約電日政府切告駐廈兵萬勿輕開  
戰衅以保大局有何意見不妨明言彼此商辦聯  
頃亦電香帥矣盼切禱切

山東袁慰帥來電

八月初六日

兼致劉張兩督

杏翁歌電悉均爲切實辦法總之我無辦法人必  
不能停兵請兩帥擬稿約會各省速奏以期補救

寄劉峴帥張香帥

八月初六日

奉香帥歌語魚電德使未與傅相訂明恐難商議傅相  
先自認地主極是擬竭力贊成似可於會摺中敘及夔  
相是否留守候保定覆電再達

陝撫端午橋中丞來電

八月初七日  
撫將軍

兼致各督

晉臬恩電

兩宮於廿六到雞鳴驛月晦可入

晉境扈係端莊慶肅四邸倫肅兩貝子澤溥定三公剛趙英三大臣 行宮備在撫署毓帥守固關李護院往北迎

愚齋存稿卷九十四